

Powšitkowne WOZJEWJENJA

njedźelu, 5. junija 2011

ZBÓŽNOPRAJENJE

KAPŁANA ALOJSA ANDRICKEHO

13. JUNIJA W DRJEŽDŽANACH

Přihotowanski triduum za serbske wosady

Boža mša w Budyšinje

Přihotowanski triduum zahaji so pjatk, 10. junija, w 19.00 hodź. w Budyskej tachantskej cyrkwi z Božej mšu. Němske přédowanje změje oblatski pater Dirk Fey. Přeni džěl triduuma ma nadpismo „Tu sym. Póšli mje!“

Wigilija při pomniku swjateju Cyrila a Metoda

„Čakać kaž swjata Marija“ je hłowny tema wigilije, tak mjenowaneje nócneje straže, sobotu, 11. junija, wječor w 20 hodź. při pomniku swjateju Cyrila a Metoda blisko Smochćic. Přeprošene su wšě starobne skupiny. Tutón wječor pokazaja so wšelake wobrazy a zaklinči hudźba. Zdobom budže so z listow kapłana Alojisa Andrickeho čitać, što wón jako česćowar maćerje Božeje pisa. Wigilija budže něhdže połdra hodžiny trać. Parkowanske městna su při puću.

Putnikowanje swjatkownu njedźelu do Róžanta

Lětuše wulke serbske putnikowanje do Róžanta budže hižo swjatkowničku, 12. junija. Boža mša na putniskej łuce započnje so w 9 hodź. Putniski dzeń, kotryž je zdobom třeci dzeń triduuma, steji pod heslom „Duch zahorja“.

Zbóžnoprajenje w Drježdžanach

Zbóžnoprajenska Boža mša zahaji so swjatkownu pónđzelu, 13. junija, w 10.30 hodź. před hłownym zachodom Drježdžanskeje katedrale. Hižo wot 10 hodź. budže zhromadny duchowny přihot. Po mjezyprogramje so zbóžnoprajenski dzeń z nyšporom w 15.00 hodź. zakonči.

Džakny swjedzeń w Radworju

Serbske wosady změja džakny swjedzeń njedźelu po zbóžnoprajenju, 19. junija, w Radworju. Boža mša z biskopom Joachimom Reineltom budže w 10 hodź. Po mjezyprogramje so džakny swjedzeń z nyšporom w 15.00 hodź. zakonči.

Pěši do Częstochowy

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podač. Budže to jubilejne 300. putnikowanje wěriwych z Warszawy do Częstochowy. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so přizjewja hač do njedzele, 26. junija, pola fararja Bena Jakubaša w Njebjelčicach, telefonowe čisło (0 35 78) 30 20 05.

Chóry zwučuja za zbóžnoprajenske kemše

Wosom serbskich chórow w projekće Towarstwa Cyrila a Metoda, kotrež zwučuja za zbóžnoprajensku Božu mšu, změja swoju přichodnu probu srjedu, 8. junija, w 19.30 hodź. Wona budža w Chróšćanskej „Jednoće“.

„Via Regia woła“ na K-TV

Loni w Chróšćicach předstajenu dźiwadłowu hru „Via Regia woła“ wusyla priwatny telewizijny sćelak K-TV wjackróć. Přeni dźěl přenjese so nimale hodžinu

njedźelu, 5. junija, w 21 hodź.,
póndźelu, 6. junija, w 11 hodź.,
wutoru, 7. junija, we 18 hodź. ,
srjedu, 8. junija, w 9 hodź.,
štwórtk, 9. junija, w 22.30 hodź.,
pjatk, 10. junija, w 17 hodź. a
njedźelu, 12. junija, w 0.00 hodź.
Druhi dźěl hry wusyla so
sobotu, 11. junija, w 10 hodź.,
njedźelu, 12. junija, w 21 hodź.,
wutoru, 14. junija, we 18 hodź.
srjedu, 15. junija, w 9 hodź.
štwórtk, 16. junija, w 22.30 hodź.
pjatk, 17. junija, w 17 hodź. a
njedźelu, 19. junija, w 0.00 hodź.

Putnikowanje do Krupki

Na pěše putnikowanje do Krupki su młodostni ze wšěch wosadow přeprašeni. Procesion woteńdže njedźelu, 24. julija, z Chróšćic a wróci so pjatk, 29. julija. Zajimcy měli so najpozdzišo hač do pjatka, 1. julija, w Chróšćicach na farje přizjewić, telefonowe čisło (03 57 96) 8 04 00. Zhromadźizna putnikow je njedźelu, 3. julija, po nyšporje na Chróšćanskej farje. Tutón termin je wažnych informacijow dla za wšitkich winowatostny. Štóž so přeni raz na putnikowanju wobdźěli, njesmě na žadyn pad pobračowač. Boža mša w Krupce budže srjedu, 27. julija, w 10.00 hodź.

Koparski turněr ministrantow

Ministranća ze wšitkich serbskich wosadow su na koparski turněr sobotu, 18. junija, do Pěskec přeprašeni. Započatk je w 9 hodź. z Božej mšu we wjesnej kapałce.

„Andricki. Wuznaće“ na DVD

Wuměłstwowy film Wiesbadenskeje widejoweje wuměłčce Sonje Toepfer „Andricki. Wuznaće“ předleži mjeztym na DVD. Tuta hodži so přez kniharnje skazač. Film je w nadawku Drježdžansko-Mišnjanskeho biskopstwa nastał. DVD, kotraž je w Lipšćanskim nakładnistwje swjateho Bena wušła, płaći 9,95 eurow.